



Hiämáskmist tuáivun

“Ko sij lijjii hiämáskâm tast, te sii oovdâst čuázžoin kivkkes kyehti almaa čäilgoo kirkes pihtâsijn. Nisoneh palaskii já jurgâlii kejâstuvâid enâmân. Mutâ almaah celhijn sijnân: ”Mane tij ucâvetted ellee jâmmei kooskâst? Ij sun lah tääbbin, sun lii pajanâm jâmmei kooskâst.” Luuk. 24:4–6

lätádume já hiämáskem láá säänih, moh kovvejehe Jeesus ustevij reaktioid suu häävdi piállást pessijâšiideed. Sij iätáduvvii paalaaskdijnis, ete lâi tábáhtum häävdi rievvim. Sij ráđittuvvii, ko sij iä puáhtám iberdiđ, ete mii lâi tábáhtum. Ráđittume lonottui kuittâg merettes ilon, ko pajaspanâm Kristus almostui sijnân, já sij finnejii maasâd osko, tuáivu já eellim.

Kuhevástuppeeivi Jeesus aldaulmuuh lijjii vuáijum epituáivun já maangâs sist lijjii patârâm. Máttááttâspárnááh pisottállii lukkâdum uuvsaí tyehin máttáátteijes jäämmim maŋa. Sij lijjii polišeh já jurdii, ete sii puátteevuotâ ij pyevti leđe pyereeb ko Jeesus korrâ kolgâmuš.

Pessijâšiideed aarriideed tábáhtui kivkkes miinii, mii cuovkkij máttááttâspárnái olgoldâs já siskáldâs luuhâid: kuárus häävdi hiämáskem maŋa sij ožžu teivâđ Pajaspanâm Hiärá. Sun, kote lâi ustevisis nonnim ete lii pajaspanem já eellim, tuodâštij säännis já teevdij lopádâsâs. Patâreijee já pooliš máttááttâspárnáin šoddii ruokis pajaspanem tuodâšteijeeh.

Mii osko ij lah kiddâ uáinimist tâi tiädust. Mij ep osko Imelân, Kristusân tâi Pase Jiegân tondiet, ete mij lep uáinám Immeel. Mii osko lii Immeel šoddâdâm, mijjân skenkkân adelum. Návt osko lii mist tábáhtuvvee iimâš aabâs siämmaánáál ko luándu morráán imâšlávť sevŋis täälvi maŋa uđđâ elimân.

Ko pessijâáh láá taan ive mii kalenderist maŋneed kiddâtäälvi, te mij uázžup jo tääl jieččân čolmijguin tuodâštid taam uđđâ eellim moránem luándust. Oulu pispekode mädimus soojijn pessijâid viettih jo kuhás ovdánâm kiidâ tubdâmušâin. Pispekode tavemus soojijn tálvi vala tuálá kiddâ luándust. Luándu kuittâg tuodâšt jyehi saajeest Sivnedeijestis. Uđđâ eellim luándust lii tego spejâlistem já muštottâs uđđâ elimist Kristusist.

Pessijâi ilojuhle kuárus häävdi muorâkâárdist lii lopádâs olášume. Immeel lopádâsah iä olášuu tuše Ráámmát siijđoin já historjást. Toh olášuveh meid onne, jyehi saajeest tobbeen, kost ulmuuh šaddeh kuáskulâžžân pajaspanem evangeliumist. Lopádâsâs miäldásávt Kristus lii mielđi tobbeen, kost kyevtis tâi kuulmâs láá čuáhist suu noomâst. Lopádâsâs miäldásávt Kristus lii syelimâs vuovvijn, mutâ tuodâlávť mielđi pase ehidâsâst. Meid mii eellim luuhâi čoodâ Kristus puáhtá puáttid já suu ármu komerduvvo vuálus mii suudon (salmâ 104). Tuodâlávť Kristus lii pajaspanâm!

Jukka Keskitalo
Pispe
Oulu pispekodde